

Boh Daeg lungz daj ranzcoj lajmbanj ma daengz ndawsingz, gaenq dwg haeujaemh lo, gyangmbwn mokmumu, gak cungj gak yiengh saek daeng yaepmyebmyeb.

Loh gvaq aen bouq gai gim ndeu, Bohlungz dingz din roengzdaeu, de lawq yaep he, cij byaij haeu, ndaw bouq bae. De heuh dah gai huq dawz diuz lienhhoz he daeu, yawjyawj, diuz lienhhoz youq gyang fwngz de caemciek bae caemciek dauq.

Diuz lienhhoz neix gig habhoz mehyah de, gaenq miz geij baez yaek hai ngaenz cawx lo, danhseih cungj deng mehyah lienz yaeuh daiq lanz mbouj gamj cawx. Daengzlaeng Bohlungz haebhaeb heuj, dauqdae, mbon cienz okdae, cawx lo.

Bohlungz gwih aen mozdozceh ndeu, van haeu, ndaw siujgi bae, dingz ci suj ndei mozdozceh le, vaiqdangq hwnj laeuz bae, baez yamq haeu, dou couh naeuz: “Gou ma lo.”

Mehlunz daenj buhninz naengh aen daengqgeg he youq gyangding, de itmienh saeg buh itmienh yawj densi, laeng cienq coh dou, gij byoem raezrwg ndaemndongq de sanq hoemq youq gwnz mbaq, yawj ndaej rox de ngamq fou gyaeu, gvaq. De ngeux gyaeu, dauqlaeng lez yawj Bohlunz mbat he, mbouj guhsing, song da gig vaiq couh senj daengz densi bingzmu bae. Bohlunz vuenh ndei haiz le couh byaij haeu, diengzhaex bae.

Yaep he, Bohlunz hix daenj buhninz ok diengzhaex daeu, de buen aen daengqgeg he naengh youq henzndang Mehlunz, de mbouj yawj densi, dinghdingh cim coh naj Mehlunz.

“Naj gou uq maz lwi?” Mehlunz cam. Bohlunz mbouj guhsing, menhmenh mbon ok aen hab iq cang lienhhoz haenx, siujsim yupyup dwk dajhai.

Mehlunz da baez rongh: “Mwngz cawx ha?” Song fwngz saeg buh de doq fwt dingz roengzdaeu.

“Mingz rox mingz cam.” Bohlunz naeuz. “Ngoenzneix raen duzgaeq ok nyouh baez he lo.”

“Dak” Bohlunz bak gangj sing he, canggyaj hozndat. Mehlunz raen le couh riunyum mbouj gangj lo.

“Gou bang mwngz raek ba?” Bohlunz naeuz. “Cuengq gizhaenx gonq, saeg buh sat le, gou gag raek.” Lwgda Mehlunz cim coh gwnz cazgih.

Mehlunz laebdaeb saeg buh. Bohlunz cungj cim coh fwngz mehyah, yiengh de gig haeujsim.

“Saeg buh miz maz ndei yawj?” Mehlunz cam. Bohlunz mbouj guhsing, lij dwg cim fwngz mehyah.

“Fatbag luba?” Mehlunz naeuz. “Mwngz lij geiq ndaej Dahgvei ranzcoj lajmbanj lwi?” Bohlunz naeuz.

Mehlunz mbouj gangjvah, laebdaeb ngoem gyaeu, saeg buh.

“De dai lo. Dingqgangj dwg naiqbaeg dai bw,



caen hojsik ha, ngamq 40 bi vunz.” Bohlunz naeuz. Mehlunz mbouj gangjvah, song fwngz de dingz yaep he youh laebdaeb saeg buh.

“Gou mbouj hawj mwngz guh baenzlai sinhoj, raeuz aeu insik moix ngoenz, moix gienh saeh aeu yawj ndaej hai.” Bohlunz doq gangj doq lumh byoem mehyah, dawz byoem cumh le youh cuengq, cuengq le youh cumh.

Mehlunz mbouj gangjvah, lez yawj Bohlunz da he.

“Gou aeu sim’in mwngz, gou aeu ndeindei doiq mwngz ndei, gou mbouj hawj mwngz souh hoj.” Bohlunz got mbaq mehyah, cup byoem mehyah.

“Guh gijmaz?” Mehlunz yungh gencueg bae nyoengx Bohlunz, hoeng, de mbouj swt, gag guh

faenh de. “Gou lau mwngz biq bae.” Bohlunz naeuz, de nyaen, mbaq mehyah, nyaen, dwk nyaen, dwk, couh dawz mehyah got haeu, rungj daeu, cup goekrwz mehyah. “Gou yaek hawj mwngz haisim.”

Gangj saedvah, songde gaenq haujai nanz mbouj doxcup lo, seizneix bouxgvan fwt yiengh-neix, mehbaj hix gamjdaengz gig maqmuengh……

Mehlunz ngienx gyaeu, cim coh de, de hix haeujsim dwk cim coh naj mehyah.

Fouqda mehbaj yaek laep mbouj laep, ndang unqniegnieg.

Bohlunz cup bak mehyah, naeuz: “Gou hawj mwngz simvuen.”

Mehyah song fwngz got ndoenjhoz Bohlunz, naeuz: “Umj gou haeu, rug bae.”

“Gij binghgaeuq meh gou youh fat lo, gou siengj ngoenzcog cieq de daeu, neix caeuq raeuz youq mboengq he.” Bohlunz naeuz.

Mehyah mbouj guhsing. “Couh ndwen ndeu.” Bohlunz naeuz.

Mehyah lij mbouj guhsing. “Couh song aen singhgiz.” Bohlunz naeuz.

“Deuz!” Mehyah hat naeuz. De fwt cuengq mehyah.

“Yahcienh!” Bohlunz naeuz.

“Vunzhuk!” Mehyah naeuz, de rieg ndei buhvaq, gyaeu, hix mbouj ngeux dauqlaeng doq okdou dauqbae ranzcoj lajmbanj lo.

Gwnzlaj Huzndei Cienz Minz Angq

上下和谐全民欢

□Luj Sauh/鲁 骚

Siengj guek giengzdaih nungzminz fouq
Youq ndaw minzcuj nem doxdaengh
Vwnzmingz doxhuz caemh youqgaenj
Gwnzlaj haenqrengz bae cauxguh

Daengx aen sevei siengj hwngvuengh
Bouxboux maqmuengh engq swyouz
Bingzdaengj goengcingq gizgiz youq
Ndi you fazci mbouj henhoh

Vunzraeuz bouxboux haengj gyaez guek
Gingqnieb buekmingh hwng lajmbanj
Lauxsaed doxndei vunzvunz angq
Aen’aek gvangqlangh ranz vuenyungz



①Dahsau Cauzsenjeuz Daegso ingj

Aen moengh Cungguek ndaej saedyienh
Cienz baengh gwnzlaj daeu, haenqrengz
Doxgiet huzndei doengzcae, cengj
Seiqleqq ronghrub saeh ndei hengz

Guek ak minz giengz ranz cij fouq
Dan gangj bakbyouq nanz baenzgoeng
Ndawranz mboengmban diendeih hoengz
Baengh gyoengq beixnuengx bae saedyienh

Mwngz byaij gou riengz bongh baenaj
Gwnzlaj huzndei cienz minz angq
Baujhoh guekcoj hen gozfangz
Doengzcae, maengxangq bongh siujganh

De lij genjcaz le Aengiuz Denz-yangz cingq sihgung haenx, cieq-raen bouxdaeu, gyoengq bing cabyouq Denzyangz、Denzdungh, caemhcai, caeuq gyoengqde doxyaeng gij vwndiz mizgven cunjbeij hoenxcienq dem. Doeklaeng, youh bae Daibingz、Denh-maj daengj diegbya Vujmingz cazyawj hong cunjbei hoenxcienq. Dauqma daengz Namzningz, de doq comz mizgven bumwnz ngeixyaeng fuengz feihgih daeu, caq caeuq baenzlawz sanqdeuz nem caepcoih aen gihbwnj cijveihsoj swcigih daengj vwndiz.

Vih baujhoh diuzmingh caeuq caizcanj lwgminz ancienz, bi 1965 buenqbilaeng, swcigih dangjveij、cwngfuj haucan daengx gih gyoengq bing caeuq lwgminz, sikhaek hengzdoengh hwnjdaeu, youq aen yenzcwz siuj yungh ngaenz lai banh saeh neix lajde, cungfaen leihyungh gij diuzgienh mizleih haenx, cing-

leix conghgamj, caepcoih conghgamj conghnamh, fuengzre feihgih Meijgoz sawqmwh daeu, caeg caq. Doengz-seiz, iugouz gak aen singzsi gihgvanh、hagdangz、yihyen caeuq cangjgvang giyez caeux di genj ndei yaek deuz gvaq gizlawz bae, ciuqei geizcaeux sosanq、gaenjgip sosanq、mwh yaek hoenx sosanq sam cungj fangh’an bae guh ndei giva. Gij doxgaiq ndawsingz, aeu youq baujcwngh swngchcanj、bauj-cwngh bingdoih、baujcwngh gunghawj

cenzdiz lajde, miz giva dwk bae guh sosanq, caemhcai, hengzguh gamhanh cawx huq, daezgonq ok huq, noix comz yo, lai cuengq youq gihcwngh danvih caeuq ciuq giva daezgonq gunghawj gij fuengfap neix, caenhlengh gaej hawj doxgaiq comz youq ndawsingz daiq lai.

Youq soujfuj Namzningz、dieghenz Namzningz caeuq ranghdieg “sam sienq”, cungj caepcoih miz cijveijsoj caeuq doengsaenq sezbei daengj sezsih boiqdauq. Aen Cijveihsoj Cinghsanh

vunzlai sug haenx, couhdwg youq mwhhaenx guhbaenz. Mwh ginhsw yaek doiq ok Namzningz, yamqnduj doiq bae gizlawz, aen cijveij soj guh youq gizlawz, yamq daihngeih doiq daengz gizlawz, cijveihsoj guhlawz baijbouh, gijneix, Veiz Gozcingh caeuq gij goengdaeuz dangj cwng ginh cungj nyinhcaen ngeixyaeng gvaq, caemh-caiq roengzfwngz bae baijbouh ndei bae.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz